



In mercuri ai 28 de Setëmbër é el gnü sughé la 3° partida dla Copa Provinzia 2011/2012 de 3° categoria por La Val. La partida é gnüda sugada indô cuntra le Gais te cíasa, na buna oportunité por la squadra da La Val por la rivincita dla partida de campionat da in dumënia, ulache La Val á pordü nia miritan.

Ince sce deplü sogadusc da La Val manciâ y che deplü sogadusc nüs é jüs sciöche titolari te campo, á fat La Val na buna partida, davagnan 3 a 2.

Suradüt tl prüm tēmp é La Val che á la partida tles mans. Le Gais cumbina püch y nia. Le prüm gol ti garetel a La Val, cun en gran tiro dēr da lunc é bun Romeo da freghè le portier, che ne se aspetâ zigü nia le tiro. Al é bun da tra al volo püch sot a metacampo cuntra porta, le portier magari ince desturbé en pü dales lüms, ne é nia plü bun da abiné le pal. Le tiro rōia bel avisa sot la traversa ite y te porta. En gran gol!!!!

Mo La Val sá che ai mēss sughé inant cun dūta la grinta por davagné la partida, y insciö era ince. Püch dedô garetel le secundo gol por La Val. Sön na rimessa é el Sottara Freddy bun da spizoré inant de cé a Florian Rubatscher, al se acentrēia y cun en bel tiro sön le prüm palo fejel insciö le 2 a 0. La Val podess cíamò fa deplü goi, mo deplü iadi mancel la prezijiun sön l'utlimo passaggio, o che al vēgn sughé mal la pala. Freddy á ince la pala dl 3 a 0, sön na rimessa lascel passè le pal dlungia ia y spo impede passè ite a mez, prol da fa en tiro de potēza da na posiziun dēr defilada, le pal va depüch dlungia le incrocio ia. Florian foss zigü sté te na miú posiziun por tra te porta, sce al foss gnü passè ite a mez. Le prüm tēmp se stlūsc jö sön le 2 a 0 pro La Val.

Tl secundo tēmp é indô La Val che dominēia, le 3 a 0 vēgn ince fat indô da Romeo. Sön en calcio d'angolo val cuntra le pal y cun na gran testa mētl le pal dlungia le palo ite, degüna

oportunité dl portier da Gais da parè.

Mo le Gais chrèi tres ciàmò y ne lascia nia dô. Cun en per de cambi mēti ite forzes nōies y frēsches. La Val vëgn tres deplü stlüc ite a difesa y ne é nia bugn da gní fora cun le pal sön le pé, gonot vëgnel mâ plü trat fora le pal de potënza. Le prüm gol ti garetel al Gais sön en calcio d'angolo cun gran fortüna. Le calcio d'angolo vëgn trat dër dassënn tla picera area, Sepl ne rōia nia sön la pala, mo la pala rōia belavisa ados an defensur da La Val y spo te porta. Sepl prô ciàmò da abinè la pala, mo depüch superëia la pala la riga. En autogol dër desfortuné.

Püch dedô vëgn sciuré fora Vallazza Paolo por soma de amoniziuns. Le secundo fallo cha al á fat ne foss mai stè da ghela. Insciö é La Val costretti da cambié fora meton ite en defensur nū. Porchël san belavisa che la partida gnará ma plü na "bataglia" a defëne le resultat. A mesa le secundo tēmp él Gais che fesc en gran gol. Le miú atacant dl Gais (che á bel fat le gol in dumënia de campionat) ciafa la pala püch fora d'area. Zënza ponsè dô dui iadi se ojel y cun en gran sinistro mētl la pala ite tl incrocio, en gran gol che porta insciö le Gais sön le 3 a 2. Püch dedô él le Gais che protestëia por en rigore nia dè. L'atacant se porta jö sön le fondo, en defensur da La Val vá ados al sogadú che toma insciö jö portera, en rigore che an éss zigü podü dè, mo l'arbieter ne á nia fischié.

La partida se stlusc jö sön le 3 a 2 por La Val. Sciode por i dui goi che La Val se á ciafè, insciö saral le ritorno plü rî. L'ritorno che messas gní sughé ala fin de Novëmber gnará spustè plü zoruch, na dezijiun tuta da trames dōes les scuadres, por ne messëi nia prolunghé la sajun de en edma. La data gnará ciàmò comunicada.

La foramziun titolara: Sepl Kantioler, Tavella Thomas, Alton Alex, Vallazza Paolo, Valentin Elmar, Tschaffert Ivan, Sottara Freddy, Rubatscher Romeo, Moling David, Verginer Franz y Rubatscher Florian

Sostituziuns:

Sottara Stefan por Sottara Freddy

Castlunger Marco por Verginer Franz

Tavella Jordan por Moling David